

ACTA DA XUNTA DE GOBERNO LOCAL
Sesión do 19 de setembro de 2014

ASISTENTES:

Membros :

D. Abel Caballero Álvarez
D. Carlos López Font
D^a M^a Jesús Lago Rey
D. Cayetano Rodríguez Escudero
D^a. M^a Isaura Abelairas Rodríguez
D. Santos Héctor Rodríguez Díaz

NON ASISTEN:

D^a. Olga Alonso Suárez
D^a M^a Carmen Silva Rego
D. José Manuel Fernández Pérez
D. Angel Rivas González

Invitados:

D. David Regades Fernández

Na Casa do Concello de Vigo, ás nove horas e dez minutos do día dezanove de setembro de dous mil catorce e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Lago Rey, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña, o interventor xeral, Sr. García Alvarez, e a titular da Asesoría Xurídica, Sra. Parajó Calvo.

A Xunta de Goberno Local adopta os seguintes acordos:

1(1023).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(1024).- PROPOSTA DE ADXUDICACIÓN: EXPEDIENTE “ADQUISICIÓN DE 1.600 ENTRADAS PARA OS PARTIDOS DO RC CELTA DE VIGO. TEMPORADA DEPORTIVA 2014-2015”. EXPTE. 13337/333.

Examinadas as actuacións do expediente, visto o informe de fiscalización de data 18.09.14, dáse conta do informe-proposta do 19/09/14, da xefa do servizo de Contratación, asinado polo xefe do servizo de Deportes e conformado polo concelleiro-delegado de área, que di o seguinte:

LEXISLACIÓN APLICABLE

Real Decreto Legislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSF).

Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP).

Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas (RLCAP), no que no se opoña ó Real

Decreto Legislativo 3/2011.

Prego de cláusulas administrativas particulares que rexerán o procedemento negociado sen publicidade para a adquisición de 1.600 entradas para os partidos do Real Club Celta de Vigo a celebrar no estadio de fútbol municipal de Balaidos durante a tempada 2014-2015 (PCAP).

ANTECEDENTES

Primeiro.- A Xunta de Goberno Local, na sesión extraordinaria do día 17 de setembro de 2014, adoptou o seguinte acordo:

“Primeiro.- Clasificar, de acordo cos criterios de adxudicación sinalados no prego, as proposicións admitidas no procedemento negociado sen publicidade para a adquisición de 1.600 entradas para os partidos do Real Club Celta de Vigo a celebrar na tempada deportiva 2014-2015, no seguinte orde decrecente:

1. REAL CLUB CELTA DE VIGO, SAD

Segundo.- Requirir ao licitador clasificado en primeiro lugar, REAL CLUB CELTA DE VIGO, SAD, para que presente, no prazo de dez días hábiles, a contar desde o seguinte a aquel en que recibise o requirimento, a seguinte documentación (artigo 151.2 TRLCSP):

-Declaración responsable de non estar incurso en prohibición de contratar.

-Certificacións de acharse ao corrente das súas obrigacións tributarias co Estado, Xunta de Galicia e coa Seguridade Social.

-A documentación esixida na cláusula 7 do prego de cláusulas administrativas particulares para acreditar a personalidade xurídica, a representación, a solvencia económica e técnica”.

Segundo.- Este acordo foi notificado ó licitador clasificado en primeiro lugar o día 17 de setembro de 2014, e presenta a documentación requirida na mesma data, dentro do prazo sinalado. Revisada a documentación se observa que esta é correcta.

FUNDAMENTOS XURÍDICOS

Primeiro.- A nosa lexislación contractual impón ó órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase ós licitadores e, simultaneamente, publicarase no perfil de contratante (artigo 151.4 TRLCSP).

Recibida tanto a documentación presentada polo licitador clasificado en primeiro lugar como a solicitada de oficio pola administración municipal, e comprobado que esta é correcta, procede adxudicar o presente contrato ó mesmo.

Segundo.- A competencia para formular a proposta de adxudicación ao órgano de contratación correspóndelle o xefe do servizo xestor ou o responsable do contrato xunto co secretario/a da mesa de Contratación do Concello (cláusula 10 do PCAP). A proposta se realizará a favor do licitador que presente a proposición que contivese a oferta economicamente máis vantaxosa de

conformidade co prego de cláusulas administrativas particulares que rexe a licitación (artigo 22.1.g RLCSP).

Á vista das actuacións que constan no expediente, a oferta economicamente máis vantaxosa para a administración contratante é a formulada polo REAL CLUB CELTA DE VIGO, SAD, a sazón único licitador neste procedemento por ser o único capaz de ofertar as entradas obxecto do mesmo.

Terceiro.- A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación.

En mérito ó que antecede, se propón á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

“Adxudicar ó REAL CLUB CELTA DE VIGO, SAD, o procedemento negociado sen publicidade para a adquisición de 1.600 entradas para os partidos do Real Club Celta de Vigo a celebrar no estadio de fútbol municipal de Balaidos durante a tempada 2014-2015 por un prezo total de 169.400 euros (IVE incluído), sendo a cota correspondente ó IVE de 29.400 euros, pola compra de 1.600 entradas por partido para un mínimo de 20 partidos, o que fai un total de 32.000 entradas.

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada.”

Acordo:

A Xunta de Goberno Local acorda aprobar a proposta contida no precedente informe.

3(1025).- RESOLUCIÓN EXPEDIENTE AXUDAS MUNICIPAIS ESCOLARES DE LIBROS, MATERIAL ESCOLAR E COMEDOR CURSO 32014-2015. EXPTE. 93407/301.

Examinadas as actuacións do expediente, visto o informe de fiscalización do 17/09/14, dáse conta do informe-proposta de data 16/09/14, da técnica do servizo, conformado pola xefa do mesmo, polo xefe de área e pola concelleira-delegada de Política de Benestar, que di o seguinte:

“Tramitado o correspondente expediente de convocatoria de subvencións e réxime de avaliación individualizada, das axudas municipais de libros, material escolar e comedor para alumnas/os de centros docentes públicos e privados concertados de educación infantil (2º etapa), educación primaria e secundaria, do Concello de Vigo – curso 2014-2015.

Primeiro.- Por acordo da Xunta de Goberno Local en sesión ordinaria de 25 de abril de 2014 (BOP núm. 89 do 12 de maio de 2014), convócanse subvencións e réxime de avaliación individualizada dirixidas ás familias das/os alumnas/os de centros docentes públicos o privados concertados de educación infantil 2ª etapa, educación primaria e secundaria obrigatoria, con enderezo en Vigo, para o curso 2014-2015 para libros, material escolar e comedor.

Segundo.- Tramitados os expedientes conforme o disposto nas bases da convocatoria, pola comisión de valoración designada ao efecto, elevouse proposta de resolución, achegando a acta da citada comisión de día 2 de setembro.

Terceiro.- Que existe crédito para facer fronte ao gasto de 80.000,00€ para as axudas de libros e material escolar dos alumnas/os de educación infantil (2ª etapa, 3, 4 e 5 anos) para o curso 2014-2015, con cargo a partida orzamentaria núm. 2310.4810000 A 201400026283 mediante libramento a xustificar que se ingresará na conta habilitada 2080 5000 67 3110242616 do departamento de Benestar Social.

Cuarto.- Que existe crédito para facer fronte do gasto de 920.000,00€ para axudas de comedor curso 2014-2015 con cargo a partida orzamentaria núm. 2310.4810000.

Exercicio 2014 A-núm. 2014.000.26284 (303.000,00€)

Exercicio 2015 AFUT. 2014.000.26286 (617.000,00€)

Ámbalas dúas cantidades serán pagadas mediante libramento a xustificar que se ingresará na conta habilitada do departamento de benestar social.

Quinto.- Na información que obra no poder do departamento de Benestar social despréndese que os beneficiarios cumpren todos os requisitos necesarios para acceder ás subvencións, segundo a base 12 da convocatoria .

Polo exposto anteriormente, propónse a Xunta de Goberno Local, a adopción dos seguintes acordos:

1.-Axudas municipais escolares de libros e material escolar curso 2014-2015:

1.1.-Aprobar a concesión de 1000 alumnas/os das axudas de libros e material escolar, que reúnen os requisitos necesarios para obter a condición de beneficiarias/os da subvención segundo o establecido na Lei 9/2007 de subvencións de Galicia, asemesmo, cumpren os requisitos estipulados na base 6ª da convocatoria existindo orzamento para a súa concesión.

Achéganse no listado adxunto Anexo I que comenza por V. B., Ruth María cunha renda per cápita anual de -3.300,00€, e remata por O. R., Laura cunha renda per cápita anual de 2.943,22€

As subvencións pagaranse con cargo a partida 2310.4810000 "becas libros e comedor", documento contable A-núm. 2014.000.26283 (80.000,00€). mediante libramenta a xustificar que se ingresará na conta habilitada 2080 5000 67 3110242616 do departamento de Benestar Social

A contía a pagar por alumna/o será de 80,00€.

1.2.-Aprobar a denegación de 696 alumnas/os das axudas de libros e material escolar que se achegan no listado adxunto Anexo I e comenza por C. V., Teresa e remata por C. T., María Yolanda, reseñando en cada un deles o motivo da súa denegación.

1.3.- Aprobar a lista de espera das/os 405 alumna/os das axudas de libros e material escolar, do listado adxunto Anexo I que comenza por D. M., Sheila cunha renda per cápita de 2.944,57€ e remata en P.C. M.Javier, cunha renda per cápita de 4.791,65€.

2.-Axudas municipais escolares de comedor curso 2014-2015:

2.1.-Aprobar a concesión de 2387 alumnas/os para as axudas municipais de comedor que reúnen os requisitos necesarios para obter a condición de beneficiarias/os da subvención segundo o establecido na Lei 9/2007 de subvencións de Galicia, asemesmo, cumpren os requisitos estipulados na base 6ª da convocatoria existindo orzamento para a súa concesión.

Achéganse no listado adxunto Anexo II que comenza por V. B., Ruth María, cunha renda per cápita anual de -3.300,00€, e remata por F. M., Yolanda, cunha renda per cápita anual de 3.548,25€.

A contía máxima por beneficiario será de 41,00€ alumna/o mes

As subvencións pagaranse con cargo a partida 2310.4810000 “becas libros e comedor”, documento contable

exercicio 2014 A-núm. 2014.000.26284 (303.000,00€)

exercicio 2015 AFUT. 2014.000.26286 (617.000,00€)

Ámbalas dúas cantidades serán pagadas mediante libramento a xustificar que se ingresará na conta habilitada do departamento de benestar social.

2.2.-Aprobar a denegación de 1563 alumnas/os para as axudas municipais de comedor que figura no listado adxunto Anexo II que comenza por C. V., Teresa e remata por C. T., María Yolanda, reseñando en cada un deles o motivo da súa denegación.

2.3.- Aprobar a lista de espera das/os 416 alumna/os das axudas de comedor, do listado adxunto Anexo II que comenza por S. F., Elva María cunha renda per cápita de 3.550,41€, e remata en P. C., M. Javier, cunha renda per cápita de 4.791,65€.

3.- Aprobar a denegación das solicitudes de libros, material escolar e comedor que se reseñan a continuación. As devanditas solicitudes non figuran en ningún dos anexos que se reseñaron con anterioridade dada a imposibilidade da súa informatización no módulo específico de axudas municipais escolares por pertencer as/os solicitantes a outros Concellos

Nome e apelidos do solicitante	Nome e apelidos do alumna/o	Solicita	Motivo
M ^a Consuelo R. C.	Olaia V.R. Xoán V. R.	Comedor Libros e comedor	Non estar empadronados nin residir en Vigo
M ^a del Carmen F.R.	Minerva B. F. Hugo B. F.	Comedor Comedor	Non estar empadronados nin residir en Vigo
M ^a Rosa R. C.	Carmen R. C.	Comedor	Non estar empadronados nin residir en Vigo
Marta L.C.	Alicia D. L.	Libros e comedor	Non estar empadronados nin residir en Vigo

4.- Aprobar a publicación da resolución desta convocatoria (Anexo III) no taboleiro de anuncios do Concello, nos centros de servizos sociais (Unidades Básicas de Acción Social) e na páxina web do Concello. Asemesmo, comunicárselle a resolución a todos os solicitantes das axudas mediante de sms ao seu móbil.

5.- Aprobar as cuantías das axudas de comedor, dos centros docentes públicos ou privados concertados que participan no programa municipal das axudas de comedor Anexo IV.”

Acordo:

A Xunta de Goberno Local acorda aprobar a proposta contida no precedente informe.

E sen ter máis asuntos que tratar, o Sr. presidente rematou a sesión ás nove horas e quince minutos. Como secretaria dou fe.

me.

O ALCALDE,

A CONCELLEIRA-SECRETARIA
DA XUNTA DE GOBERNO LOCAL

Abel Caballero Álvarez

M^a Jesús Lago Rey.

DILIXENCIA:

Esténdese para facer constar que a presente acta corresponde á sesión extraordinaria e urxente do 19 de setembro de 2014. Comprende 3 follas numeradas do 1202 ó 1204 da Serie A nº3427234 ó 3427236. Aprobouse na sesión do 3 de outubro de 2014 sen ningunha rectificación.

Vigo, 3 de outubro de 2014.

A CONCELLEIRA-SECRETARIA
DA XUNTA DE GOBERNO LOCAL,

M^a Jesús Lago Rey.